

TURCICUM IMPERIUM.

609

Servia Domini amicitiam prodesse posse, eam modis omnibus ambijt, ducta insuper ejus Filia in Uxorē. Hac & suis viribus fretus, Belgradum oppugnare aggreditur. Periere in obsidione vii Turcarum millia. Successit huic *Mahumetus* secundus. Hic Fratris nece tyrannide stabilita, *Constantinopolim* expugnavit anno c10 ccccliii, penultima die Maji. Biennio post Belgradum se contulit, sed multis ibi suorum interemptis, ipse saucius discedere coactus est. Postea *Bulgariam* occupavit. *Dalmatiam* & *Croatiam* cum *Rascia* omni *Trapezuntē* etiam expugnavit & *Mytilenē* cum alijs quibusdam Maris *Ægæi* Insulis. *Eubœam* cepit, & *Theodosiam* nunc *Capham* urbem Genuensium devicit. Præfuit Imperio annos xxxii. *Bajazethes* ii bellum cum Venetis gessit: eisque *Naupactum*, *Methonam*, *Dyrrachiumque* abstulit, *Dalmatiamque* omnem depopulatus, veneno interijt. Hujus filius *Selymus* Imperium invasit. Hic *Alcairo* munitissima *Ægypti* urbe expugnata, *Sultanoque* cæso, *Alexandriam*, totamque *Ægyptum* suo subjecit imperio: *Damascum* cepit. *Solymanus* unicuique *Selymi* Filius, patri suffectus est. *Belgradum* cepit propugnaculum non *Hungariæ* solum, sed totius etiam Orbis Christiani. Idem *Rhodum* devicit, *Strigonium* & *Budam*, aliasque Urbes expugnavit, *Viennam* *Austriæ* obsedit, tandemque ad *Zygethum* periit anno Imperij sui xlvi. Sequutus est *Selymus* secundus, qui inducias *Maximiliano* fecit annorum vii, *Cyprum* Venetis ademit. *Tunetum* & *Gouletam* occupavit, obiitque anno c10 cclxxv. Huic *Amurathes* successit, & huic *Mahumethes* iii, qui parricidio interemptis Fratribus xv ii Imperium auspicatus est, & adhuc pœnis reservatur. In his ditionibus quatuor habet Urbes opulentissimas, *Constantinopolim*, *Alcairam*, *Alepum*, *Taurisum*. *Constantinopolis*, quondam *Bizantium*, de Vrbes: qua in *Thracia* diximus. *Alepum* maxima *Syriæ* urbs, Emporium celeberrimum, & quasi centrum, quo mercimoniam *Asiæ* undique confluunt. *Taurisum* vel *Tauris*, amplissima quondam Imperij *Persarum* civitas, quibus, nostro ævo erepta est. *Alcairam* vel *Cairum* inter omnes *Africæ* Civitates principatum obtinet. Non enim alia ulla est, quam non longo intervallo post se relinquit. Maxima *Turcis* cura extruendi spatiosas *Meschitas* sive *Templa*, & *Carbantara* sive *Xenodochia*, adhuc *Balnea*, *Aquæductus*, *Pontes*, *Vias*, aliaque publici operis, quæ sane omnia spectabilia sunt apud *Turcas*, & præclara. *D. Sophiæ* Templum in Vrbe *Constantinopoli* pulcherrima est omnium structura, quæ adhuc permanet, scribente *Bellonio*, longeque superat *Romani Pantheonis* structuram. Regium *Turcæ* Palatium ac multa vetusta Monumenta, ne prolixior sum, prætereō. *Ottomannorum* Regimen est prorsus Despoticum. *Turcarum* enim Imperator adeo absolute Dominus omnium rerum, intra fines sui Domini contentatur, ut incolæ, se ipsius Mancipia, non subditos nuncupent: nec quisquam sui ipsius, multoque minus, domus quam inhabitat, aut agri quem colit, Dominus est: exceptis aliquibus familijs in Vrbe *Constantinopoli*, quibus præmij loco, & privilegio, id concessum a *Mahumete* ii fuit.

Opera publica
& privata.

Hhhh

PROVINCIA